

یوہ آکا شوانی جموں ہے محمد آصف لو دھی تے محبوب سلطانی تیں خبر سُنو۔ پہلاں خاص خاص خبر۔

- *1۔ حذب اختلاف غی جماعتاں غی طرفوں شور شرابہ غی وجہ توں دوئے ایواناں غی کاروائی نانہہ پلک تک ملتوی کر دتو گئیو ہے۔
- *2۔ وزیر اعظم نریندر مو دی نے کانگریس ور جوابی حملہ کرتاں واں کہیو ہے جے اک ہی خاندان ڈاکٹر امبیڈکر غی میراث نانہہ ختم کرن بُری چالاں مانہہ ملوث ہے۔
- *3۔ مرکزی وزیر مملکت ڈاکٹر جتندر سنگھ تے لیفٹنٹ گورنر منوج سنہا نے کٹھوعہ مانہہ آگ غی واردات توں 6 افراد غی موت ور تعزیت غو اظہار کیو ہے۔
- *4۔ موسم خزاں بارے تہوار یعنی آٹم فیسٹول تے کو ی سمیلن پلک کشتواڑ مانہہ منعقد وے گو۔
- *5۔ تے جموں کشمیر مانہہ ٹھنڈ غی لہر مانہہ تہاڑا توں تہاڑے بابندو دیکھیو جا رہیو ہے تے درجہ حرارت مانہہ لگاتار کمی دیکھی جا رہی ہے۔

خبراں غی تفصیل نال پہلاں عبدالرحمان شاہین۔

Parliament

پارلیمنٹ غو اجلاس اج مرکزی وزیر داخلہ امت شاہ غی طرفوں بھارتی آئین غا معمار ڈاکٹر بہیم راؤ امبیڈکر غی شخصیت بارے دتا گیا ایکن بیان غی وجہ تیں حذب اختلاف غی طرفوں شور شرابہ تیں بعد پلک توڑی ملتوی کر دتی گئی۔ واضع رہ جے حذب اختلاف غی جماعتاں نے اس معاملہ ور شور شرابو کرتاں واں کہیو ہے وزیر داخلہ نانہہ اپنا بیان ور معافی منگنی چاہیے۔ ذریعےاں نے دسیو ہے جے آج جیساں ہی لوک سبھا غی کاروائی شروع ہوئی تاں حذب اختلاف غی جماعت کانگریس، ڈی ایم کے سمیت کھبا تہڑا غی دوجی جماعتاں نے امت شاہ غے خلاف شور شرابو شروع کر دتو۔ جس وجہ تیں ایوان غی کاروائی نانہہ پورا دن واسطے ملتوی کرنو پئیو۔ اس معاملہ ور پارلیمانی معاملن غا وزیر ارجن رام میگھوال تے حذب اقتدار غا دوجا ممبراں نے حذب اختلاف غی طرفوں کی گئی نعرے بازی ور اعتراض ظاہر کیو ہے۔

PM Ambedkar

وزیر اعظم نریندر مو دی نے اج کانگریس غی طرفوں مرکزی وزیر داخلہ امت شاہ غی طرفوں ڈاکٹر بی آر امبیڈکر بارے دتا گیا بیانات غا الزام غو جواب دتو ہے۔ اُنہاں نے الزام لاتاں واں کہیو ہے کانگریس ان حقیقتاں توں واضع طور ور بو کھلا گئی ہے، جہیڑی امت شاہ نے سامنے آئی ہیں۔ سماجی میڈیا غی سائٹ ایکس ور وزیر اعظم نریندر مو دی نے کانگریس ور بھارتی آئین غی توہین غی اپنی تاریخ نانہہ چھپان غو الزام لایو ہے۔ اُنہاں نے کانگریس غی ناکامیاں نانہہ وی آجاگر کیو، جن مانہہ بابا صاحب بہیم راؤ امبیڈکر نانہہ انتخابات مانہہ شکست دینو تے اُنہاں نانہہ بھارت رتن توں وی محروم رکھنو شامل ہے۔ وزیر اعظم نے اپنی حکومت غی ان کوششاں ور زور دتو جہیڑی ڈاکٹر امبیڈکر غی میراث تے ایس سی، ایس ٹی سمیت پسماندہ طبقہ غی فلاح و بہبود غا پروگرام غے ذریعے کی جا رہی ہیں۔ اُنہاں نے کہیو ہے ان غی حکومت غو ڈاکٹر امبیڈکر واسطے احترام مکمل ہے، تے کوئی وی جماعت کانگریس غا ان گناہاں توں انکار نہیں کر سکتی۔

NSA China

قومی سلامتی غا مشیر اجیت ڈووال نے اج چین غا خارجی معاملات بارے وزیر وانگ یی نال بیجنگ مانہ ملاقات کر غے اصل قبضہ لکیر ور امن بحال رکھن واسطے دو طرفہ گل بات کی ہے۔ واضع رہے بھارتی وفد جاتے روز قومی سلامتی غا مشیر غی سربراہی مانہ اپنا دورہ ور چین پُجیو ہے۔ جت وفد نے 23 واں دور غی گل بات کی ہے۔ جہیڑی جے گذشتہ 5 سال غا عرصہ تیں بعد دوبارہ بحال کی گئی ہے۔ واضع رہے اس گل بات غو مقصد بریکس مُلکاں غی کا نفرنس غے دوران وزیر اعظم نریندر مودی تے اُن غا چینی ہم منصب شی جن پنگ بشکار ہوا وعدہ نانہ عملانو ہے۔

RDD

خوراک سول سپلائز تے امور صارفین غا وزیر ستیش شرما نے افسراں غی اک میٹنگ بلا غے چھمب اسمبلی حلقہ مانہ بکھ بکھ ترقیاتی سکیمیں غے تحت جاری پروجیکٹاں غو جائزو لیو۔ میٹنگ مانہ ایم جی نریگا، پردھان منتری آواس یوجنا، کپیکس تے گرائیاں غی صفائی ستھرائی جیسی دوجی سکیمیں غو تفصیل نال جائزو لیتاں واں متعلقین نانہ ہدایت کیں جے تمام پروجیکٹاں نانہ مٹھی گئی مدت غے اندر مکمل کیو جائے۔ میٹنگ مانہ گرائیں ترقی محکمہ غا اعلیٰ عہدیدار وی موجود تھا۔

DC Doda Traffic

ڈوڈہ قصبہ مانہ بدھتا ٹریفک جام غے چلتیں ڈپٹی کمشنر ڈوڈہ ہر ویندر سنگھ نے اج سینئر افسراں غے ہمراہ ٹریفک نظم و ضبط نانہ بہتر بنان واسطے اج دورو کیو۔ اس موقعہ ور ڈی سی موصوف نے بھیڑ آلی جگہاں غو معائنو کر غے ٹیم نانہ ہدایت جاری کرتاں واں کہیو جے وے تجاوزات نانہ ہٹا غے ٹریفک قوانین نانہ سختی سنگ یقینی بناویں۔ مزید اُنہاں نے اعلان کیو جے اک نجی کمپنی ڈوڈہ مانہ کچرا نانہ ٹھکانہ لان غو انتظام کریں گی۔ کچرا نانہ کھاد مانہ بدلن واسطے اک پلانٹ غو قیام وی کیو جائے گو۔ اس ضمن مانہ اُن غو مزید کہنو تھو۔ بائٹ۔

JKRTC Bus Service

تحصیل کھڑاں بلی غاربا نشیاں غی اک لمبا عرصہ توں چل رہی مانگ نانہ جموں کشمیر سڑک ٹرانسپورٹ کا ریو ریشن جے کے آر ٹی سی نے بابا مئی مل دیو ستھان ڈگر توں جیول چوک تک بس خدمات شروع کر غے پورو کر دتو ہے۔ اس خدمت نانہ ٹرانسپورٹ غا وزیر ستیش شرما غی طرفوں دتی گئی ہدایت توں بعد شروع کیو گیو ہے، جس غو مقصد خطہ غا دور دراز علاقیاں مانہ رابطہ نانہ مزید بہتر بنانو ہے۔ اس ضمن مانہ اُت غا بسنیکاں غی طرفوں بس خدمت غو خوش آمدید کیو گیو، جہیڑی علاقہ مانہ مجموعی ترقی غے نال نال مقامی معیشت نانہ بدھان مانہ خاصی مدد کرے گی۔

خبراں غا باقی حصہ نال محبوب سلطانی۔

Kathua Fire Accident

ضلع کٹھوعہ غا شیو نگر علاقہ مانہ پچھلی رات تقریباً 1 بجے آگ غی اک واردات مانہ اک سبکدوش ڈی ایس پی سمیت 6 افراد غی اُس ویلے موت تے 4 دوجا زخمی ہو گیا، جد آگ لگن غی وجہ نال اُن غو دم گھٹ گیو۔ اس دوران مقامی لوکاں نے بچاؤ کاروائی شروع کر غے زخمیاں نانہ علاج معالجہ خاطر ہسپتال ٹوریو۔ مرکزی وزیر ڈاکٹر جتندر سنگھ نے آگ غی اس واردات سنگ 6 لوکاں غی موت ور ڈونگا صدمہ غو اظہار کیو ہے۔ اک سماجی میڈیا پوسٹ مانہ جناب سنگھ نے متاثرہ گنہ سنگ تعزیت غو اظہار کیو ہے، نال ہی اُنہاں نے زخمیاں واسطے جلد صحت یا بی غی دُعا کی ہے۔ اُنہاں نے علاوہ لیفٹنٹ

گورنر منوج سنہا نے اس حادثہ ور ڈونگا ڈکھ غو اظہار کیو۔ واضع رہ جے اس حادثہ مانہہ 4 بچاں سمیت 6 افراد فوت ہو گیا ہیں تے جد کہ 4 زخمی ہیں۔

Forest Fire Poonch

ضلع پونچھ غا بکھ بکھ جنگلا تی علاقہ جن مانہہ گنیاں، کے جی، سلوتری تے کر ماڑی مانہہ اگ غی واردات با رے جانکاری موصول ہو ئی ہے۔ اس ضمن مانہہ ضلع جنگلات افسر پونچھ نوید احمد نے دسیو ہے جے 40 ہیکٹر غو جنگلا تی علاقہ اس اگ غی وجہ توں متاثر ہوؤ ہے۔ اُن غو مزید کہنو تھو جے اگ خشک موسم ہون غے چلتیں مزید پھیل رہی ہے۔ اس دوران اگ بجھان با رے کا روائی جا ری ہے تے آخری جانکاری موصول ہون تک کجھ علاقہ مانہہ اگ ور قابو پالیو گیو ہے۔ اس اگ غی واردات سنگ کروڑاں روپیاں غی مالیت غو نقصان ہوؤ ہے۔ جنگلات غا ملازمین، مقامی لوکاں تے فوج غی طرفوں اگ ور قابو پان غی کوشش کی جا رہی ہے۔ اس ضمن مانہہ مہارہ ضلع غا نمائندہ سنگ گل کرتاں واں ڈی ایف او پو نچھ نوید احمد نے اس طرح کہیو۔ با نٹ۔

Autum Fest Kishtwar

کشتواڑ ضلع مانہہ موسم خزاں با رے تہوار تے کوی سمیلن پلک منایو جا رہیو ہے۔ واضع رہ جے اس موقع ور منیا پڑمنیا گلو کار چمن لہری 19 دسمبر نانہہ تاریخی میدان چوگام کشتواڑ مانہہ اس تہوار غی شروعات کریں گا۔ دسیو گیو ہے کہ اس تہوار غو مقصد مرکزی فلائی اسکیمان با رے لوکاں نانہہ جانکاری فراہم کرنو ہے۔ اس پروگرام مانہہ طالب علمان نانہہ پیشہ وارانہ کالجان مانہہ داخلہ غی خاطر راغب کرنو ہے۔ اس سلسلہ مانہہ کشتواڑ غا ضلع ترقیا تی کمشنر راجیش کمار شون نے پروگرام غی خاطر کی گئی تیاریاں غو جائزو لیتاں واں افسران نانہہ ہدایت کی ہیں جے میلہ نانہہ کامیابی نال مکمل کرن غی خاطر تمام لوڑتا اقدام چایا جائیں۔

Sports

کرکٹ مانہہ بھارت تے آسٹریلیا بشکار با رڈر گواسکر ٹرافی غو تیجو ٹیسٹ مقابلو بارش غی وجہ توں برابری ور ختم ہوؤ ہے۔ اس مقابلہ غا آخری تہاڑے 2 سو 75 دوڑاں غا ہدف نانہہ حاصل کرن اُتری بھارتی ٹیم بغیر کسے نقصان غے 8 دوڑ بنا رہی تھی جد بارش غی وجہ توں میچ نانہہ روکنو پے گیو، اس تیں بعد یوہ مقابلو شروع نہیں ہو سکیو۔ جس غی وجہ توں اس غا نتیجہ نانہہ برابری ور ختم کر دتو گیو۔ اُنکاں شطرنج مانہہ بھارت غا پرنوو وینکٹیش نے منگلوار آلے تہاڑے سلو وینیہ مانہہ فائیڈ عالمی انڈر 18 نوجوان ریپڈ تے بلیز ٹائٹل نانہہ جیت غے تاریخ رقم کی ہے۔ اُنہاں نے ریپڈ زمرہ مانہہ شاندار کارکردگی دستاں واں 9 عشاریہ 5 پوائنٹ حاصل کرن سنگ سونا غو تمغو جتیو ہے۔

Weather

جموں کشمیر مانہہ ٹھنڈ مانہہ تہاڑا توں تہاڑے بابدو ہوتو جا رہیو ہے۔ اس سلسلہ مانہہ محکمہ موسمیات نے جانکاری دتی ہے جے آئندہ 21 دسمبر توڑی موسم عام طور ور خشک رہے گا۔ واضع رہ جے ٹھنڈ غا اس موسم مانہہ کہٹوں کہٹ درجہ حرارت 4 عشاریہ 9 ڈگری سلیس درجہ کیو گیو ہے۔

اس غے نال ہی خبراں غو یوہ بلیٹن ختم ہوؤ۔